

香蘇山館詩集

香蘇山館今體詩鈔卷十四

東鄉 吳嵩梁 蘭雪

題鮑覺生詹事獨立圖

老鶴有仙骨高桐無附枝

聖恩原特達臣節敢磷緇
華岳烟筇瘦桐江雪櫂遲
平生服風槩餘事與論詩

蔣伯生明府入關圖

謫戍知非久風襟一笑分
狂名動

天子長揖重將軍紫塞窮搜徧
黃河絕唱聞弓衣雙繡
出同調有朝雲

昨奉金鷄

詔歡聲入鼓笳數峯關外雪萬樹馬前花報國心猶壯
歸田望未奢昨宵霜月苦詩夢尙龍沙

聶蓉峰編修招集陶然亭小飲

十畝寬閒地登臨日未斜寺爲沽酒店亭似釣魚槎晚
色明楓葉秋聲泛葦花意行無遠近隨處有烟霞
一雨潑新黛西山青入樓酒涵雲樹影簾畫水鄉秋野
趣耽尋菊閒蹤喜趁鷗百年詩碣在棖觸此清游

寄葉筠潭都轉天津

畿輔推雄鎮津門十萬家開筵徵妙伎渡海購名花物

力憂難繼民風忌太奢頻年傷積潦轉徙亦堪嗟
使者持清節全家水一杯處脂能不潤籌國亦須才選
將皆飛雪懲奸若迅雷牢盆關大計何況值偏災
昨報金堤潰頻頻絳節臨雁鴻啼更苦蛟蜃氣常陰租
稅

天家貸膏腴陸海沈洪流聞倒灌龍伯亦何心

荒政同時舉憂勞日夜并三冬資薄粥萬室寄孤城暮
雪寒如此炊烟午未生杜陵懷廣廈身世淚縱橫

荔水莊詩爲李蘭屏庶常蘭卿侍讀作

蔡謨

君固

曾子

文讌地園在郡城西捲幔千峯入穿林百鳥

啼畫樓因嶺築游舫度橋低只恐尋幽處花深路欲迷
梅樹前朝種苔枝凍愈青謝公能述德韋母此傳經雪
砌無人掃雲窗盡日扃鶴孫今長大高唳徹滄溟

騷雅推前輩林家弟及兄

同人

百年誰接武二妙復齊

名趨直樞庭早還鄉畫錦榮一燈風雨夜猶記讀書聲
西掖追陪久吟身喜較閒且傾新釀酒同話故鄉山出
處吾滋愧文章老更孱無田歸亦好幽夢款柴關

喜晤林少穆廉使時由吳中入

觀卽送出都

丹陛輸誠日蒼生託命身
臯蘇今法吏燕許舊詞臣
封事流傳久詩篇唱和頻
西湖移節地魚鳥尙情親

雄麗三吳最年來水患深

天恩蠲賦稅公譙罷登臨經國才原大憂民淚不禁側
聞倡賑早先擲帶圍金

畿輔同荒歲流亡

聖慮關救時咨遠略懷舊感仙班曼倩飢如此相如病
益孱草堂許分俸歸夢富春山

冬至前一日

天壇喜雪恭紀

快雪逢長至天人慶感孚

精誠通薄海元氣轉鈞樞俎豆仙班集風雲綵仗趨高

華承劔珮霑灑及旌旗

輦路花爭豔邊城草漸蘇

先時消沴戾隨地化膏腴積潦成荒歲流民愴舊圖千
艘籌截漕萬戶荷蠲租節候飛靈合民心挾纊俱伐蛟
須早計哀雁免羣呼臣本孤寒士家無擔石儲一官慙
冗散八口費枝梧米價秋來長詩腸病後枯豐年聞預
兆凍卧竊歡娛飼鶴謀誰給採梅興未孤歸心兼別夢
浩蕩滿江湖

雪後

紙閣寒于水開門積素成松高敲入畫竹重瀉無聲小
硯連朝凍虛窗徹夜明故園想幽絕鶴語又三更

宗攻恥白雲歸養圖

先公故廉吏無力返家林負米天涯淚看雲歲暮心才
名慳一第色養抵千金歸櫂何時發迢迢湘水深
小人曾有母歸養畫扁舟表未瀧岡樹田難下瀝求奇
窮傷至性薄宦悔浮遊一聽循陔曲因君老淚流

過鮑覺翁寓齋讀與韓桂舫尙書唱和詩次韻二
首

昨過參軍宅堆床卷帙斜愛吟新贈句同啜故谿茶米
價愁方朔琴聲感伯牙一官吾太冗安分作匏瓜
書味久逾妙一燈終夜青孤松仍兀傲晚菊自芳馨比

屋尋幽侶

謂鳳岡丈

看山借小亭鬢絲相對白話舊亦晨星

桂舫尙書用前韻見貽賦謝

仙句飛來冷宦家焚香讀到日西斜
懷人味苦如中酒漱雪心清倍飲茶
老向青天舒鶴淚曾經紫海拔鯨牙
長城五字千秋壯駐景何須棗似瓜

卅載龍門愧早登朝衫猶似舊時青
中朝久借勲名重吾輩容分翰墨馨
連日清吟依紙閣幾人絕唱擅旗亭
歐公禁體高無匹合有新篇繼聚星

哭程春廬府丞

人海論心四十年君持絳節我華顛
救時奇策憂難用

復古高文想附傳機重久參焚奏稿刪存未定勘遺編

結鄰空負平生約悽斷桐江雪夜船君愛余雪中過桐江詩屬其室人吳

瑟兮夫人作圖紀之

小忽雷

唐文宗朝韓滉伐蜀得奇木製爲胡琴二名曰大小忽雷女官鄭中丞善其小者以

匙頭脫送崇仁坊南趙家修理甘露之變不復問

中丞以忤旨絃投於河權德輿舊吏梁厚本在昭

應別墅援而妻之因言小忽雷在南趙家使厚本

賂以歸花下酒酣彈數曲有黃門放鶴子墻外竊

聽曰此鄭中丞琵琶聲也達上聽宣召赦其罪康

熙辛未孔東塘於燕市得之歿後歸王觀察斗南

以贈孔太守四源龍首鳳臆蒙腹以皮柱上雙絃

吞入龍口一珠中分額下有小忽雷篆書嵌銀字

項有臣滉手製恭獻建中辛酉春正書十一字度

以今工部營造尺一尺四寸八分東塘有客樊陵

能彈之言忽雷本馬上樂又名二絃琵琶調多不

傳今但知黃鐘變調耳國初田山嶺查嗣琛諸

君皆有詩余獨愛東塘二絕句云古塞春風遠空
營夜月高將軍多少恨須是問檀槽中丞唐女郎
手底舊雙絃內府歌筵罷淒涼九百年
因效其體得四首書曲阜桂馥記後

誰伐杪櫨樹將軍鎮蜀歸衰朝無雅樂持汝獻宮闈
絕技難專寵紅粧委逝波尋聲能復召猶勝馬嵬坡
甘露成奇變權璫事可哀唐宮俱蔓草太息此琴材
紫玉塵埋久雙絃撥未能樊陵今絕調何況鄭中丞

次韻賀林石笥得解

華年滾滾赴鸞輪金粟遲開也夙因姓字豈緣科第重
文章難得性情親珠騰甕社原無價劍合延平自有津
記取才名傾幕府酒酣曾許吐車茵

綺筵高會卜燈花相士誰將眼力誇行卷九秋傳已偏
泥金一騎報初譁奇功唾手成飛將眞賞同心得大家
紅杏若教同插帽老夫應讓此風華

閏三月廿一日鳳岡前輩邀游葆光丙舍卽過盛

氏園林

萬事如雲不可期落花先下最繁枝諸公金殿揮毫日
我輩青山荷鍾時生祭自傾陶令酒秋墳爭唱鮑家詩
松風一枕游仙夢身後高名付與誰

榜前一日同人集崇效寺看牡丹

人天培護此根芽國豔心傾古德家金地樓臺增富麗

絳霄風露挹清華開遲已到重三月名盛終推第一花
難得俊游同勝賞新詩何敢望籠紗

榜後再過崇效寺兼示同好諸君

泥金消息幾人聞古寺重來日又曛笑我名心銷白髮
勞公望眼注青雲一篇慷慨憂時策萬口流傳下第文
畢竟春風無世態天葩依舊吐奇芬

康少弼太守自豫歸述劉松嵐翁近狀卻寄

故人昨自豫州還爲說雲高鶴更閒白髮看花狂喚酒
清秋騎馬健游山二三知己重攜手七十生兒一解顏
身世早知無罣礙河聲嶽色杖筇閒

題李忠毅公自書詩後卽用冊中原韻兼示哲嗣

潤堂

聖恩感激海天深百戰威名賊屢擒
早見孫盧先破膽最難韓范得同心
弓刀舊部今飛將裘帶風流又羽林

潤堂以襲伯充頭等侍衛想見詩成橫槊夜蒼龍扶舵聽高吟

左杏莊中丞潞河秋餞圖

西山潑翠水拖藍風笛聲中酒半酣
卅載

君恩酬未了一生書味老猶甘
烟光此地傳圖畫國初諸老

有潞河水利何人著客談明徐孺東有輪與扁舟歸夢

穩葦鱸時節正江南

謝黃俊民觀察寄貺君山茶

平生雅抱盧仝癖佳茗分嘗喜破顏
寒夜親煎收雪水故人遠寄自君山
味如諫果初回後香在梅花半吐間
連夜清風生兩腋夢移仙櫂洞庭還

送謝仲蘭觀察奉使漳河

洄衛爭流擁怒波年來故道徙漳河
宣防得力民居奠飢溺關心廟算多
但願餘糧棲雁鶩肯將閒地委蛟鼉
匡時小驗經綸手千騎歡騰使節過

潘冰蟾女史蘭閨讀畫圖

官閣梅花占幾閒白蘋洲記采香還
不辭粉墨霑衫袖

爲潑烟雲上髻鬟楊妹子臨新院體管夫人話舊家山
寒閨夙有探梅約願寫桐江水一灣

雨後過斌笠耕太僕留飲澹園

雨後園亭載酒過周秦法物與摩挲人如金石論交久
詩愛山林得氣多綠樹陰籠雲半溼紅闌影動水微波
畫師傳得蕭疏意只恐前身亦姓柯

姚伯昂屬胡君九思作圖以紀

蔡天石明府詠茶譜荔圖

宦游久領東坡味家學重廣北苑詩循吏政聲今日少
才人風味少年知

余爲郡守閱卷拔君於童子試中

紅雲小摘開園早

綠雪親緘餉客遲十八娘憑寄芳訊樊川今已鬢成絲

冬菊

已過重陽菊尙胎移根磁斗與親栽誰知花信低徊久
卻向冰天爛漫開晚節自持惟正色孤芳能賞亦奇才
曲房多少閒桃李未嫁春風已自媒

伍雨田明府屬題家山偕隱圖

偕隱平生有鹿車宦游心緒較何如曾聞勾漏求仙藥
又見河陽奉板輿謂哲嗣松文明府白髮久經忘世味青山畢
竟愛吾廬扁舟歸讓香農早已倩梅妻畫釣魚

李鳳翁家唐花牡丹盛開且久招飲屬賦

冰天春自火城迴暖逼繁枝只暫開偏是此花能耐久

紅雲千疊起樓臺

延年妙訣手親栽
先灌移根綠酒杯
能與主人同一醉
名花生就一仙才

花事盛推崇效寺
釀金許爲護雕闌
一叢深包千錢價
爭及家園自在看

比屋連朝覓醉過
冷吟閒賞奈君何
劉楨日日容平視
也算今生艷福多

張詩舲舍人雪中見訪乞書小詩而歸

小窗深坐撥鑪灰
風雪柴門晝未開
一紙笑探懷袖出
故人原爲訪詩來

詩似寒蛩字老鴉可憐凍墨半敲斜硯池剛與盆梅近
猶有殘冰沍落花

笠耕太僕饋歲戲謝

簫鼓連朝沸鳳城峭寒獨自掩柴荆誰知米券煤逋外
尙有新詩和未成

白雲朝出暮飛還道是閒身卻未閒避債難尋空闕地
借人亭子看西山

送邱讓廬廉使之官閩中

循吏今陳臬廉平

聖主知調民先有術奉法本無私望已臯夔峻心仍召

杜慈甘棠曾手種青徧拂雲枝

遺愛留三晉清聲動八閩連畦茶筍熟比戶誦絃新漁
海收羣盜耕山撫客民猛寬知盡善佇見土風淳
吾鄉寒儉地士氣孰栽培運應昌時出

恩邀異數來清門多隱德經國奮奇才龍劍看騰躍雲
濤萬里迴

出處論心久交親四十年彈冠驚白髮話舊感青氍寂
寞柴桑酒蹉跎丙舍田武夷容卜隱結屋幔亭邊

送張抱谷舍人擢牧黔中

十年同作京朝客萬里春隨刺史車制草猶聞傳鳳閣

仁風先已被龍家雲連山翠圍金筑雪擁溪流帶木瓜
知到畫堂懷舊侶詩成吟對紫薇花

紫薇堂明方伯張孟介建今在貴陽府治

劉克齋刺史蒙

恩召見喜而有贈卽送歸牧義寧州

金闕峩巒玉漏寒公卿爭認牧民官小臣召對遭逢盛

聖主恩知報稱難三善政傳鄰境熟六箴名在

御屏看故人經世慙無術何敢輕彈貢禹冠

積弊先除教養新誦絃聲裏士風淳溝通雉堞流初暢

家蓄蠶桑地不貧籌備須當無事日濟時難得有心人

只愁五馬遷移速未許蒼生借寇恂

海棠盛開熊璧臣比部招同覺翁小集賦謝

萬化濃笑酒微波旖旎心情奈爾何客愛新詩吟吉水
楊誠齋海棠詩最工天教絕艷照東坡高枝雨後紅爭坼衰鬢年
來白漸多滿引此杯須盡醉肯令狼籍委青莎

趙象庵舍人夫婦七旬壽詩

城南林樹最蕭疏吏隱寬閒歲月舒偕老久依紅藥省
承

恩自寫紫泥書郊祁才望知能繼梁孟高風媿不如差
喜結鄰諧夙願春風杖履近吾廬

契結雲霞二十年青山笑我亦華顛笙詩每聽諸郎奏

斗酒常資內助賢
蔗境老來回味永
梅花冷處得春徧
鹿車預想還山樂
爭看屏風畫散仙

送呂仲音同年農部出守瓊州

海外專城擁百蠻
使君爲政自寬閒
木棉花發雲霄上
珊瑚網人收島嶼
閒邊微有恩皆內
地訟庭無事卽仙
山黎家故事能重
舉應爲東坡載酒
還

題陳樂真丈村居圖

卅年高卧掩柴關
暫出清游倦亦還
家學能傳諸子弟
村居難得此湖山
萬金收族貧猶篤
四季栽花老未閒
讀畫我思全盛日
春風吹淚點苔斑

崇效寺西來閣下丁香相傳爲王漁洋朱竹垞兩
先生手植翁覃谿師有記余與同人謀爲刻石
補栽海棠二株附題小詩屬南雅書于記後
香南雪北兩吟筇可惜清游我未同賴有蘇齋傳手植
花時常得領春風

石墨鈎摹費硯材海棠移後又新開百年老樹紅過屋
更有何人念手栽

癸未十二月廿五日幼女蕊珠以痘殤哭之

自汝生彌月團圞多笑聲擎珠今日碎合室淚同傾慧
早原非福恩深望再生泉臺能認否四姊一殤兄

余舊一殤

香蘇山館詩集

卷十四

三

予報春四女散花
香荷采蘩帶蓀

病後東鳳岡前輩

稚女傷懷抱乘虛病忽侵始知道根淺不敵世緣深往
事雲過眼浮名雪上簪掃除須定力寂湛見吾心

題金鶴臯同年雁來圖爲其弟鴻軒作

楓葉蘆花黯澹天雁行吹斷已多年誰知杜老關心事
日日看雲只晝眠

行役如聞予弟嗟未應留滯在天涯連枝畢竟人間少
肯換春風及第花

湘水湘山染翠苔迢迢隻影渡江來雲霄自有追飛日

莫到衡陽又卻迴

幾度相逢髮已絲
連床聽雨記當時
一聲哀唳銷魂夜
怕讀東坡感舊詩

四海如今一子由
桐孫手種已過樓
輪君樂事天倫最
花萼聯吟到白頭

甲申孟春十四日次男以昭生彌月宴客詩以紀之

去冬失一女今春添一男
身窮天亦憫德薄我何堪
玉樹應連理金環或再探
喜開湯餅會情話酒初酣

崇效寺護花闌干已成牡丹盛開擬邀同人往觀

忽以病沮不果

牡丹時節病偏侵古寺清游怯再尋薄福難銷傾國艷

仙才同抱惜花心

鮑覺翁與李鳳岡前輩實助成之前

招魂此地飛紅雨

彈指明朝換綠陰幸有題名貞石在游人或肯費清吟

四月初五日枕上自述

哀樂中年儘折磨無端旬日抱沈疴翻身已覺千鈞重
舉念方知百累多老境將身延歲月浮生隨地足風波
偷閒且覓安心地卧看茶烟裊薜蘿

病已殆甚預救後事賦此與諸親舊永訣兼示兒

子以昌以昭

一死何關世重輕諸公於我太多情欲酬恩義知何日
未了因緣締隔生葬養幸無餘恨在文章付與後人評
兒曹若念承先澤但讀詩書莫近名

再生詩疊前韻五首

伸眉一笑體初輕骨肉團欒尙有情纔下匡床如出夢
重繙書卷似前生天心畢竟憐吾輩月旦從今仁定評
但許種花娛晚節讓人辛苦立功名

一卷投閒萬事輕猶於親舊一關情人間誤說東坡死
意外還留子政生難得良醫持定力似聞同社有公評
早知福薄銷無地翻悔詞場竊盛名

往事回頭太自輕
漸知學道漸忘情
敢期著述能千載
只合山林了一生
有限桑榆須愛惜
無邊風月任批評
接興荷蕢纔真隱
終古何人識姓名

時賢何必動相輕
但肯論交卽有情
自信天懷惟坦率
曾無小怨蓄平生
白頭漸覺空諸相
青史從來少確評
華國匡時公等在水雲
深處願埋名

出戶居然舉足輕
碧翁貸我豈無情
只容飲水多餘味
便喜游山畢此生
王後盧前誰論定
環肥燕瘦總私評
萬緣懺悔惟安分
第一先拋沒世名

得覺翁和詩六疊前韻奉酬

文章氣節兩難輕苦勸浮沈似不情桐樹身孤君太直
卷菴心拔我猶生前因省識今應悟後世相知孰與評
詞玷近來推鮑照廿年湖海愧齊名

病後渾身皮皆脫換大有出塵之想因憶武夷仙

蛻今日尙存者僕豈其人耶感而成詠

武夷仙蛻十三人供養烟霞尙肉身玉女峯記曾尋勝

蹟鶴奴重與話前因張鶴舫翁扶鸞以余爲白玉蟾後身如今論士多皮

相難得開襟豁性真從此脫胎參妙諦迴思往事亦傷

神

慰婦

夜坐三旬未解衣一燈黯澹守床幃眉梢近日憐初展
聽說宵來嚙語稀

石士惠貽橄欖

故人貽諫果一笑喜初嘗味以迴時美心於剖處香漸
佳如蔗境小飲共茶槍今夕應高枕懸知夢亦涼

紀李忠毅公軼事書褒忠錄後

褒忠一錄手重編軼事無多亦可傳佳士奮興修學地
流民羅拜賑饑年青驃公所常御老去依僧寺丹鳳公自製戰船名
人猶識戰船史筆墓碑俱不朽未須張許畫淩烟

自書澈翁詩後

浮雲世事掃都空此老頭銜換澈翁卻借詩禪參妙諦
天花雨徧苦吟中

朝鮮貢使至金秋史殿撰以手書蓮花博士梅隱
中書楹帖見寄未及報謝今始爲補此詩

鑑湖曾現夢中身歸卧桐江亦外臣蓮葉四邊宜縱飲
梅花九里是香鄰放翁天上官銜舊殿子祠前釣侶新
安得君來持使節冰綃添畫鶴城人

余有蓮花博士及九里梅花村舍圖

秋史之弟山泉進士書來謂以梅花一龕供養吾

詩賦此寄之

詩佛誰將瘦鳥參海東迢遞接天南雞林近日傳新句

吾與梅花共一龕

簡比鄰諸同好

李鳳岡太守

移家同住寺門前
晨夕相尋冷趣偏
有月有花兼有酒
忘形忘分復忘年
西山坐對吟餘晚
丈室深參病後禪
生壙昨思分葬地
餘生自笑亦頑仙

君有生壙
附近西山

顧南雅編修

萬里還朝兩鬢霜
曾因省墓乞還鄉
倦雲再出違初願
舊雨重尋愛老狂
一疏批鱗心爲國
三年病骨瘦支床
達觀與我同樗散
身外榮枯笑早忘

錢金粟學士

廿年風月領蓬瀛使節歸時一櫂輕貞疾似君真不死
閒來尋我話重生癯仙飲水神逾健饑鶴看雲唳亦清
見說揮毫如驟雨會須先和此詩成

潘芸閣侍講

頗牧公然在禁廬漫將詞賦擬相如衡文心苦能求士
經世才高善著書君新著畿輔水利四案老樹陰移同坐久新花
艷發手栽初結鄰真抵千金價王翰平生願不虛

盧容庵通參

同硯情親四十年一樽相對兩華顛頻來握手驚魂後

難得論心卧榻前從祀千秋能衛道君近奏請以湯文正公從祀安

民一疏早回天君前奏請停緝逆賊餘黨以免株累平民如君出處真無愧

我縱重生亦枉然

謝向亭學士

才人早擅美科名校士多年秉玉衡節比衡山千仞峻

詩如湘水十分清前番君病曾瀕死今日予同愴再生

坐閱烟雲諸態盡此身雖在亦堪驚用元遺山句

陳玉生編修枉和余詩四章七疊前韻奉答

驂雲只願此身輕朋舊相關亦至情噩耗誤聞同一涕

君與許慎吟魂初返愴三生枯榮似草春來驗成敗如生編修

棋劫後評風節望君兼幹濟

楓宸已記柏臺名

君方名以御史用記

姚伯昂編修枉過賦贈

與君同病倍情親曾脫皮毛剩此身
纔信文章能換骨況兼隸法又通神
百年嚮道嗟何晚萬事回頭許自新
葆得靈光些子在從教劫火轉風輪

閒中

久病無聊感索居閒中滋味領何如
平心自覺能容物習靜惟應卧擁書
新雨收成知預兆故人惠問不曾疏
只嫌咫尺西山近潭柘清游約又虛

述懷再用前韻

一枕清涼愛獨居
廿年拙宦較誰如
無才未敢談經世
有福方能坐讀書
花氣侵簾晨露重
藤陰壓架夕陽疏
餘生許踐還山約
小築桐江願未虛

喜雨

一雨關民瘼

天心久鬱紆虔祈
剛應節惠澤勝蠲租
米價忻初減
花枝笑欲扶
微涼侵卧閣
病骨亦潛蘇

雷雨連日感念畿輔水利事寄程月川侍郎

蒼龍挾雨破空來
電駭雲奔出怒雷
定掃飛蝗消戾氣

能殲旱魃拯奇灾攻沙幸借隄防力容水先爭淀泊開
天遣重臣扶大計安危須仗濟時才

謝聯玉農比部畫九里梅花村舍圖扇見貽

玉農霜落真奇士筆意天然妙孰論快意邀人尋酒市
憑空爲我寫花村寒香九里雲成海冷艷誰家雪打門
病枕昨來除熱惱此間大好泊詩魂

次韻酬李桐村示嘔血初愈二首

寶主居然兩禿僧只多此筆太鋒稜招魂何計收三昧
得句初投寵百朋午榻平分燒藥竈夜窗遙見讀書燈
老來同病吟同調生死何嘗有愛憎

來如驟雨去如風二豎驚逃避此翁人海何妨留一粟
仙橋竟想跨長虹新梢脫粉憐抽筍大葉成陰看洗桐
爾我相忘惟一笑道心參透世緣空

不噉飯已四十日矣戲作一詩

薄粥三餐亦自香小傾梨汁抵瓊漿忍饑亦是謀生法
儉歲難求飼鶴糧

許萊山侍講湘月泛槎圖

七十奇峯卅六灣洞庭湖影動君山使星持節仙槎迴
湘女收絃夜月閒秋水迴看似天上異書滿載到人間
封侯卻笑張鷟俗只取支機片石還

琴香閣四十初度

詩畫賡酬亦偶然誰將趙管擬神仙
白雲容我仍高卧明月如人恰再圓
雙管初拈調藥後一杯小飲對花前
尋常佩褱知多少偕老惟求飼鶴田

示閒素二姬

一姬婉麗一嬌憨侍疾連旬瘁不堪
暗淚未銷衣上點明粧慵理境中參
心關藥裏名分記手進羹湯味畧諳
留得餘生須慰藉維摩天女共禪參

香蘇山館今體詩鈔卷十四終

香蘇山館今體詩鈔卷十五

東鄉 吳嵩梁 蘭雪

簡汪巽泉閣學

廿四年前締夙盟早於風骨見崢嶸文章鉅手培三館
蔬水甘心奉一生持正願公稱老鳳論詩許我掣長鯨
病中預祝孱軀健余病篤時君謂余有壽者相決其不死悲喜今真感涕
并

鳳岡前輩驟感痧氣一夕危甚得良醫刺血而愈
枉和拙詩五章八疊前韻奉答

罡風一夕羽衣輕先我驂雲似少情香熱返魂真祕術

身留遺蛻又長生過來仙佛公無恙妙絕文章我細評
公有目錄窮理最精再世唱酬今更密何妨元白共詩名

南雅同年枉和五詩九疊前韻奉答

白雲高妙水風輕新句能兼古性情牙慧肯於人後拾
心光原是定中生千秋身外渾閒事三絕人間亦浪評
從此意根都剋盡與君忘世復忘名

鳳岡丈覽余澈翁詩更作一篇以廣其意讀之憬
然似有所悟賦此答之

海月墮君手詩來悟境深始知圓湛相卽是妙明心一
雨淨如此浮雲無少侵夜涼趺坐久花影亦蕭森

鳳岡丈六次余韻十一疊奉酬

慈航一輦往來輕出世仍多普度情
甘露水從枝上滴妙蓮花自火中生
卽心卽佛參真諦無我無人豈妄評
認取衣珠依舊在古今何物是身名

一瓶一鉢一身輕便合雲游說道情
縱有清詩皆外學終須苦行懺多生
枯禪自得無窮味世法誰知有定評
架上楞嚴參已透青松白社亦虛名

十二疊前韻再簡南雅

身世萍蓬聚散輕久芟綠意與紅情
江郎幸不銷魂死杜老何嫌太瘦生
悔過但求能晚蓋攻瑕翻喜借苛評

一蒲園地收心早只合焚香禮淨名

曉涼十三疊前韻兼酬錢衍石侍御

紫蕉衫薄筍鞋輕涼透花情又竹情載酒願從河朔飲
授書敢望濟南生舊諳藥價憑醫授新購琴材倩客評
畢竟鑑湖高卧穩故人仙隱本無名

煙波十四疊前韻酬董棐南侍御

煙波萬里一蓑輕鷗鷺相看不世情南郭有身如槁木
東山無夢到蒼生三千牘枉談經濟廿四詩從付品評
只有桐廬堪送老梅花九里記村名

自笑十五疊前韻簡許青士給諫

仙心飄渺世緣輕已懣風情況宦情身是讎方病居士
願從離垢一先生愛閒未敢稱朝隱求醉何妨狎市評
用石曼卿事自笑形骸原土木清言底用博高名

苦心十六疊前韻答張詩舲舍人

千首何當萬戶輕翻因病緒發吟情落花辭樹紅猶亂
芳草侵階綠自生換骨須能參杜法探源重與溯鍾評
苦心虛擲知何補贏得三韓記集名

十七疊前韻簡湯茗孫舍人

順流剛喜一帆輕笑狎風濤亦矯情敢道空心能及第
須知學道卽尊生雞蟲得失尋常事毅豹存亡仔細評

長日更無消遣法藥名檢點又花名

十八疊前韻卽席簡汪巽泉閣學盧容庵通參丁
興齋贊善程晴峯侍御謝向亭學士

身似閒鷗去住輕粉榆難忘故交情樽前北海須常醉
海外東坡本幸生萬事達觀回道味百年清議重鄉評
課兒尙有塵編在不願人傳顧及名

省心十九疊前韻簡郭蘭石編修

細雨簾櫳午睡輕鶯疏燕懶蝶癡情花如新病扶初起
苦似閒愁掃又生近事畫傳團扇葉故人書愛折釵評
省心便是延年訣忘記嬰兒姪女名

廿疊前韻題汪西谷先生黃山印篆遺冊

萬蓮花裏一筇輕松石皆含太古情雲上有人呼快士

先生自快士

世間無地著先生奇姿兀傲撐詩骨老筆蒼深

入畫評不是游山兼賣篆百年蓬華掩高名

先生以賣印篆爲游

賁既足卽不能得矣

雨中卽席示李潤堂勲伯許萊山侍請郭蘭石編

修楊雪椒比部張詩舫中翰茶農解元

小劫初過百念灰懷人猶勸倒深杯誰知爛醉狂歌地

忽送清風快雨來射虎家聲推上將雕龍國手擅奇才

謫仙可惜難同醉卧看西山病眼開

畏吾文以病不至

同社諸君先後皆有和什再用前韻奉酬

病後詩篇等劫灰飛箋聊與侑行杯雨中筆陣縱橫出
花裏吟聲次第來四海交遊餘老淚六朝金粉掃雄才
城南高會今寥落難得衰顏此暫開

哭朱勲楣觀察

與君同日病君死我猶生安得招魂返惟餘老淚傾遷
官因

主眷哭巷見民情知否遺孤在栽培望有成

次韻答光栗原比部

此事休誇記問淹天才學力貴能兼爐中九轉丹難熟

頰上三毫畫欲添，換骨功深求變化。吹毛心苦借攻砭，故人又喜投新句。侵曉先憑鵲語占。

栗原誤聞余於今春納姬，有詩戲贈。不知余故有二侍妾，病不能遣，況復增累耶。

結習平生懺已遲，何堪重與畫修眉。青精纔噉仙人飯，黃絹先芟幼婦詞。關盼似聞棲燕子，樂天多事遣楊枝。天花爛漫黏衣少，況是維摩示疾時。

再答栗園論詩

畧無懷抱卽俳優，此語先爭第一籌。絕跡飛行應萬里，冥心獨造始千秋。才能破敵君偏銳，句未驚人我亦休。

病後自慙思力少不曾辛苦費雕鏤

答鳳岡翁將赴葆光丙舍留別作廿一疊前韻

身世飄然一杖輕白雲舒卷總忘情明知此別無多日
預想歸來似隔生掃地打鐘甘寂寞顛花縱酒謝嘲評
鈍根從此歸依切不注南華亦避名

病起諸公餽遺相繼感賦一詩

病中握手淚汎瀾病後殷勤問寢餐埋骨未能營馬鬣
予初擬乞葬地于鳳岡丈生塋之側累人何止貺猪肝諸公氣誼追前輩
老我身名付達觀補過只應持道力餘生真作再來看
次韻答琴南侍御憂余病劇之作

多佳人間祇一年

吾姬緣春工畫蘭年十五來歸十九下世尊寵歸亦五年及笄而歿

香草難尋隔世盟玉簫恩重記前生
韋臯近日頭俱白
暗淚逢君又一傾

瓶中荷花盛開有懷周芸臯黃霽青兩太守舊游

惘然成詠

三轉橋西風滿船萬泉寺外花連天
簫聲縹渺今何處
酒意情騰又隔年鷗鷺招尋吾已熟
湖山管領更俱仙
白頭坐對紅粧晚
追溯清游只惘然

觀魚

妙得浮沈趣盆池亦有餘但令心似水
焉識我非魚
轍

鮒窮猶活溟鯢恣所如漆園齊物久生意總憐渠

憶鶴

鶴與吾同病孤懷託諷深

余少以病鶴賦受樊籠三尺知于翕潭溪先生

地雲海一生心自愛清癯影誰聞高唳音離羣嗟已遠
爲汝復霑襟

題黃樹齋編修渡江圖

滾滾雲濤鐵甕來旗邊畫鼓沸春雷乘風萬里原奇氣
攬勝三山要異才重過酒樓惟白髮舊遊詩碣漸蒼苔
輪君早踏金鰲背隻手狂瀾挽獨迴

新霽

庭階涵眾影一碧似空塘竹暗傾殘滴花明轉夕陽
拋青筍重衫透紫蕉涼爲愛書聲美循行繞曲廊

雨中看月

夜深涼月生徘徊上高樹片雲何處來忽下瀟瀟雨
雨亦不肯住月還依舊明牕前數竿竹枝葉已秋聲

得程春海學使黔中書卻寄

風雪前年晚投余使蜀詩江聲巫峽壯山色劍門奇
絳節衡文地青天縱筆時英靈千載接曾拜浣花祠
有客黔中到傳君尺素書百蠻增學舍八座奉安輿
法眼雲無翳清心水不如何當分鶴俸存問及谿漁

涼夜

細雨空庭繡綠苔
疏簾一桁晚晴開
移床恰就闌陰坐
華月亭亭樹杪來

愛月何妨睡晷遲
粉牆偏愛影參差
天然妙墨何人畫
肥是芭蕉瘦竹枝

散髻斜簪喜乍涼
白雲如水瀉虛廊
秋花秋草含風露
沁入詩脾一味香

掛起南牕徹夜明
秋心一枕又三更
夢中不識西湖路
只傍荷花撥櫂行

寄題葉葭閣兼簡覺翁

古槐龍爪閱滄桑

寺以龍爪槐著名

小閣初成選佛場惠遠容

攜運社酒涪翁妙領木樨香好山背我青千疊秋水懷人白一方遙識雨餘登眺地蘆花楓葉又斜陽

題陳蘋香宜人修竹館詩鈔

潞水三年駐畫橈歸心又赴廣陵潮二分月慘離鄉久六代山昏入夢遙梅子枝空腸已斷桃花粥冷淚同澆病身莫更耽吟苦才福從來不易消

不入花市已三月矣書此寄懷

詩人每愛住斜街

朱竹垞詩爲貧花事住斜街

老去移居夙願諧四

季買花常入市泥香霑透筍皮鞋

三三芳信未蹉跎

市以每月逢三日爲期

日帶奚僮荷鍾過小草

幽花栽欲徧一庭隙地苦無多

白白紅紅相亞開疏籬遮護宿根培稱心韻事能多少
清曉移花夜雨來

人間榮悴幾春風病久心因學道空一念微波緣底事
聞聲遙識賣花翁

一徑蓬蒿綠漸遮俊游咫尺似天涯園丁惆悵經三月
不見先生出買花

偶憶亡姬綠春詠茉莉句因足成之

葉如秋水色花有美人香五字今零落微吟欲斷腸

戴可亭相國 予告南歸命題庾嶺歸雲圖

嶺雲鍾間氣應運出爲霖輔政樞廷久衡文鎖院深經綸全在手舒卷自無心歲歲梅花發還應憶上林

往者金堤潰頻煩玉節過星辰依

紫極風雨護黃河漳衛民居奠京畿水利多嘉謀杼未盡經國鬢先皤

三朝膺

特達四海際

重熙道大能兼善功成不自知懸車身及健戀闕夢歸遲家食猶天祿湖山得意時

兩世傳經地

余先受業于文端公

綸扉卽講堂孫枝愧桃李晚節

慕柴桑洛社耆英會平泉草木香花陰容縛帚猶記舊

門墻

夢行并州道中

茅屋人家半掩關雨餘泉石響淙潺斜陽一抹鴉邊路
青透并州萬疊山

秋蟬

一生飲風露無地著閒愁何事心偏苦沈吟老未休餘
陰容借午臥簾助成秋委蛻尋常事清聲愛獨留

秋蝶

庭院雙飛處秋花依舊開
淒香同領畧倦影自低徊
金粉衣初浣繁華念早灰
夢中能解脫傲吏有仙才

秋花

東風不相識何敢怨開遲
老圃尋秋地空江卧影時
格高人未賞香冷蝶初知
晚節多霜露天心與護持

秋草

南園胡蝶散幾日又西風
詩夢荒池外離愁絕塞中
時兼落葉處處咽秋蛩
參透榮枯理吾生亦斷蓬

送李潤堂勳伯出鎮南昌

儒將家聲舊彤弓異數邀
勳階崇五等宿衛擁三霄
說

劍心原壯敦詩氣不驕由來軍令肅士馬敢騰囂
天語褒忠孝

恩深感涕俱高秋辭魏闕雄鎮領洪都蛟鰲餘氛淨熊
貔眾志爭時清虛戰艇花月泛東湖

車笠論交篤風雲得路先草枯盤馬地霜重射鵬天緩
帶推羊祜名刀贈呂虔歸心兼別夢遙趁渡江船

花下

燒燈花下坐花影似深山綠繡莓苔地香生風露間孤
吟沈夜永久病得心閒一徑無人掃流螢照往還

蒹葭閣圖爲覺翁作

百日幽居少曠觀試開倦眼一憑闌
窮魚縱壑烟波闊
病鶴出籠天地寬
黯黯樓臺成薄暮
蕭蕭蒲柳入新寒
杖藜能到吾差健
只有西山耐久看

食蟹同桐村及聰彛作

一笑堆盤八跪斜
炊金饌玉未嫌奢
鮮香初染持螯手
俊味先傾賣酒家
幾處水聲迴竹簾
連宵燈影入蘆花
倦游卻憶江鄉事
同剝尖團坐釣槎

戚莽臺宮贊移尊王蘭卿侍御齋中看花同作

晚菊

老圃餘佳菊
凌寒獨秀時
香能經月久
骨以傲霜知
正

色逢迎少高才遇合遲羣芳感搖落晚節願相期

早梅

梅信今年早春從小雪還暖催花半樹香透屋三間攜
鶴尋幽徑騎驢夢故山一枝客索笑我亦愛高閒

張詩舫舍人游天寧寺見塔鈴爲暴風吹墮殆盡
從老僧乞得二枚一曰嘉靖十三年織染局左
副使王潭造一曰萬歷三年乾清宮司禮監馮
保造屬爲賦詩

浮圖三百載舊事語風鈴初地花飛雨諸天石隕星脂
膏民已竭香火佛何靈小劫滄桑換惟餘古鐵青

題陳石士講學秣陵使草卽用卷中詩韻

白下爭傳使節來卅年舊夢與低徊
歐公草木人猶敬謝傅笙歌地可哀
有重請鍾山書院及隨園追懷姚姬傳袁簡齋兩先生詩老鶴感
秋同遠唳枯桐經爨出奇才遙知揮麈論文曰花雨漫
天散講臺

吳玉松太守以虎邱雜詠見寄感舊述懷卽次其
韻

一篙春水到門深斟酌橋邊幾判襟
昨夜仙詩忽吹到扁舟搖夢綠桐陰

綺席明珠照晚霞江南耆舊擅風華
青衫當日年猶少

香齋山館詩集卷十五

古

新句流傳徧笛家

乾隆甲寅五月五日潘榕臯丈邀同袁簡齋錢辛楣王夢樓諸公讌集水

榘余詩
先成

白公俎豆又蘇公飯顆誰來老杜窮奇福偏於身後享

湖山管領又春風

懷杜閣陳東浦方伯所建以配白蘇二公祠

天葩十丈白于銀紅袖攜來影亦新明日城中傳異事

看花昨見謫仙人

玉蘭一株相傳爲南宋所植花時其白照天子與劉松嵐攜女郎著紅衫

坐樹間吹笛
觀者豔之

桐橋十里接山塘日日笙歌沸廣場偏愛幽人著書地

茶煙一榻借僧房

嘉慶庚午予寓孫子祠吳子華借居山寺嘗偕胡城東詣譚終日忘倦

花意紅酣柳碧氤樽前羅袂捲雲藍才人落魄狂游偏

天遣飄零郭十三

頻伽邀余屢游花市跌宕不羈末韻即用汪宜秋贈君句

開園供養病餘身難得移尊有故人手折一花持見佛

白荷風裏悟前因

池蓮晚花家穀人丈以蓮花白酒見貽且邀山尊同賞

洞天樹石愛蕭森除卻焚香便鼓琴惆悵琅嬛舊仙館

風蟬鳴咽露蛩吟

孫淵如題所築洞室曰小琅嬛

歸心萬里白雲馳投老看花醉不辭生作寓公死才鬼

秋墳爭唱鮑家詩

張船山寓治芳畝最久雪中別余曰得一觀老母卽理骨於此亦無憾矣

秋海棠巢手種存買山無地妥吟魂閒鷗曾識簪花字

塔影何人訪廢園

金纖纖嘗游塔影園有詩題壁劇佳繼擬卜葬此山不果秋海棠巢其所

也居

幾度香車擁碧油花枝掩映下簾鉤玉釵一墮無尋處

莫更傷心憶舊遊

余攜岳姬綠春訪劉碧嫻墓失玉釵一枝惘然而歸

結鄰早有誅茅約卻讓先生早退居想見閉門高卧日

萬梅花擁一床書

移巢病鶴倦難飛夢想巖芳與澗菲何日尋君池上屋

一筇黃葉踐寒暉

本事詩成墨未殘又傳佳話遍詞壇不知賣扇鄰家女

可有冰紈繡墨蘭

山塘女子以綠春畫蘭繡于紈扇輒得倍值下世後爲余述之泣然流涕

余紀以詩有云誰知賣扇寒閨女也是傷心春夢婆今又十年矣

夢中自題石谿漁隱圖

茶具書奩坐卧俱全
笑語出菰蘆一竿
秋影斜陽外
只有閒鷗認老夫

朱虹舫閣學繼室沈夫人卻扇詞

艷福雙修註玉清
天教華國儷傾城
金閨私誦流傳句
宸翰親褰第一名

錦帆縹渺過江來
管領春風是早梅
爲報調羹消息近
南枝先見此花開

碧漢紅墻路不遙
笙歌導擁燭千條
今年七夕原逢閨
又見雙星度鵲橋

青箱世業久傳家
詠絮清才小小誇
誰料門墻桃李樹

香蘇山館詩集卷十五

六

卅年前種並頭花

銷金帳暖繡芙蓉香惹鑪烟御氣濃難得鸞書

頒一品黃扉自領紫泥封

綵毫春染綠筠枝修史歸來與畫眉早晚江南提玉尺
絳紗羅拜女宗師

翰墨因緣勝綺羅鴛鴦社結小鷗波似聞風雅關情性
樛木恩深逮下多

玉堂風月領蓬壺佩馥清華似此無明歲預期湯餅會
孿生笑捧鳳雙雛

伯昂自江南移取木芙蓉數本植于寓園冬初始

花邀同小飲有作

日暮天寒照影時
嫣紅初坼拒霜枝
孤根自致休嫌遠
病蕊能開敢怨遲
臨水美人方獨立
隔花公子最相思
爲君喚醒江南夢
木末低徊誦楚詞

題譚子受太守鐵簫詩鈔卽送之官寶慶

鐵簫一枝行萬里
其聲悲壯雲爲穿
頭銜今換二千石
詩夢重迴三十年
吾儕相見已白髮
此筆幸未埋蒼烟
名山經世各努力
惜哉陽羨歸無田

少游滇南壯西蜀
搔首青天聞詠詩
盾墨橫磨千騎擁
弓衣傳唱百蠻知
湘江行愛月明夜
衡岳坐看雲淨時

忠愛未應忘一飯浣花曾拜少陵祠

書斌笠耕太僕青海紀行詩後

使節臨青海皇華萬里程詩篇收瑋麗典禮備哀榮積

雨河聲壯高秋嶽翠橫潼關連榻夜旅話似彭城

謂令弟崧

亭觀

夜坐憶石谿梅花

春信初迴斗室寬花前小坐又更闌故園此日開無主
誰點紅燈雪裏看

書懷

妄念銷除盡浮名懺悔新寬閒無量福義理再生身得

雨花微笑行階鳥漸馴水邊幽徑熟不厭踏青頻

得何仙槎學使山東惠書賦謝

臘尾書纔到故人知我寒何當損清俸持以佐春盤士
氣栽培厚

君恩報稱難岱雲能潤物望澤九州寬

陶雲汀中丞由安徽入覲小集寓齋卽席賦贈

精誠一念九霄聞神力民心助策勲清恐人知胡伯虎
憂先天下范希文冰銷積凍千帆出境掃飛蝗萬鳥耘
靈貺至今昭

睿藻一貞女子一將軍

君前巡南漕禱冰於露筋祠近
以捕蝗復禱劉猛祠皆荷神貺

香蘇山館詩集

卷十五

六

奏請
褒封

元氣淋漓鑄偉詞石門山水孕清奇承家經術歸揚顯
餘事風騷藉主持繞郭長江奔皖口連天積雪照峨眉
東坡山谷淵源在句法千秋我其師

次韻答總憲姚秋農前輩

萬里罡風鶴背輕仙心仙骨自天成春留紅藥公難老
閨過黃楊我再生神劍行空騰虎嘯霜鐘感氣發鯨鏗
早知經術匡時貴餘事猶收沈宋名

富貴原知脫屣輕道根淺薄媿無成寒潭合凍波纔歇
野燒逢春草又生廣廈山中懷杜甫奇書柱下守彭鏗

散才自愛居閒地翻笑人傳吏隱名

何竹居觀察由貴西入都話舊有作

薊門風雪捲銀沙旌節朝天鬢未華
萬里親攜筇竹杖十年飽看刺梨花
常楊詞翰傳樞省韓范勲名屬世家
袖裏黔書應補錄山川雄麗古來誇

九重樓閣萬花深奏賦曾瞻

翠輦臨綵筆同時干氣象冰銜投老話升沈

乾隆甲辰與君同應

召試今在京朝者惟黃左田尚書姚秋農
總憲姚亮甫太常鮑樹堂通政及余五人而已
相如敢負凌雲手子美難忘愛國心
匡濟願君追往昔籌邊鐵

柱有西林

次詩扇韻寄答朝鮮金酉堂判書

一別萬餘里論詩記此辰月仍元夜滿花已上林春晚
節方聞道清時各愛身壽觴同日舉橫笛有青巾

余與酉堂

俱乾隆丙戌生

朝鮮金秋史閣學屬題蘇齋圖臨本

負笈蘇門久賡酬四十年誰知東海客家奉北平編三
島雲蒸合千潭月印圓清風餘笠屐中外瓣香虔

昨接蓬萊信天涯德未孤梅花吟入卷蘭雪寫成圖

君有

詩寄題九里梅花村詩夢參禪夢香蘇卽寶蘇

用君集

句見贈與君期得髓一笑認衣珠

題琴香閣畫梅寄秋史山泉各一幅

曾寫春風桃李姿
重將瘦影畫南枝
梅龕深處花如海
想見禁寒覓句時

益園當日記題襟
松雪風流照古今
不識鷗波亭子上
可傳妙墨到雞林

茶農爲山泉作梅龕圖再用前韻寄答

橫枝影裏妙香參
詩法從今得指南
萬里一輪心月印
鏡天花海卽同龕

東使李蒼臯學士過訪卽送歸國兼寄其宗人聖

約

星軺來上國風笛愴離樽渡海仙槎遠朝天使節尊六
經同旨趣五字得根源心折幾菴叟書來與細論

蘆花次查岑華侍御韻

烟光澹宕雪平鋪幾度登臨興不孤秋水一方人外遠
閒鷗數點月中無生偕苦竹供詩料寫並芙蓉入畫圖
昨載陶然亭畔酒鄉心蕭瑟又東湖

淺渚平沙記泊船自敲紗帽對閒眠蘋花細雨移雙櫂
楓葉斜陽共一鞭故壘傷心劉夢得平蕪回首杜樊川
河豚上日新芽短春夢迢迢似隔年

紅蘅碧杜自繽紛如此秋光賸幾分葉葉聲搖篷背雨

枝枝影卧渡頭雲青衫無恙應憐我玉樹何妨暫倚君
偏是離人腸斷處塞笳鳴咽送餘曠

江南風景近全非飄泊難尋舊釣磯霜蟹尙因沙水活
雪鴻爭爲稻梁飛奇才地僻生何晚窮士天寒念所依
但乞扁舟歸卧穩白頭先換綠蓑衣

補題蘭卿薇垣歸娶圖

人閒婚宦只尋常難得才名綺歲香一第還家斟壽酒
萬花如海擁新粧禁中早賜金蓮炬門下今添玉笋行
省識春風圖畫裏青廬嘉耦紫薇郎

佩黻從容十五年油幢初蒞百蠻天山看獨秀邀憑檻

水渡相思記泊船銅鼓送迎咨舊侶蘆笙唱和訂奇緣
遙知露冕行春地雲驛孃應拜馬前

題廩朗峯方伯巡臺圖

萬斛樓船擁畫旗青天碧海壯游時靈妃燈出帆初定
颶母風恬浪不知雀鼠年來銷判牘魚龍夜半聽吟詩
似聞鐵網搜羅徧新得珊瑚十丈枝

雄藩內召領天閑花市尋秋數款關星斗近依雙鳳闕
雲濤重話七鯤山魏公威重籌邊久坡老文奇渡海還
早晚八閩移節鎮甘棠舊澤化諸蠻

書桂舫先生蘭峪近詩後兼寄蓮龕總戎

久執臯蘇法

三朝倚畀親得情原勿喜觀過亦知仁責備歸賢者矜
全荷

聖人士林猶感涕白髮況孤臣

匹馬衝寒去秋風右北平千山圍絕塞一塔瞰荒城積
翠霑衣溼空林曳杖行中宵對華月喜近

帝鄉明

見說蓮龕叟溫泉約共尋黃花邊地少紅葉寺門深名
將風雲氣臞仙冰雪心俊游宜冷節乘興此登臨
放眼天空闊焚香心太平一身能澹宕萬態自枯榮吾

道收全節公詩得正聲祇憂

恩未報何日定歸耕

扶病與公別公歸吾尙孱餘生容載酒佳句愛游山物
望知逾重

天心許暫閒懷人當歲暮重爲話蘭關

香蘇山館今體詩鈔卷十五終